

Leta ya New Hampshire COVID-19

Amabwiriza y'Umukoresha ku bijyanye n'Ingendo, Kwpimisha, ndetse no Gushyira mu Muhezo

11 Mutarama 2021

COVID-19 ishobora gukwirakwira aho abantu bakorera kandi igatera ingaruka zikomeye ku bakozi ndetse no ku bikorwa bya bizinesi. Yewe n'umuntu umwe ashobora kuba intandaro yo kuzana COVID-19 aho abantu bakorera ndetse bigatuma abantu batari bake bakenera kwishyira mu kato mu rugo, aribyo bishobora kudindiza ibikorwa bya bizinesi. Bizinesi n'abakoresha bashobora gukumira ndetse bakanagabanya ikwirakwira rya COVID-19 aho abantu bakorera bubahiriza amabwiriza atangwa n'inzezo z'ubuzima agamije kurandura COVID-19. Rimwe mu mabwiriza rikomeye ryo gukumira ko COVID-19 yagera aho abantu bakorera ni ugupima abakozi ndetse no gushyira mu muhezo mbese bakaba bahagaritse ku kazi abagaragaza [ibimenyetso bya COVID-19](#) bishya cyangwa bidasobanutse cyangwa se abashobora kuba barahuye n'abanduye, mu ngendo bagize. (reba kandi [Amabwiriza ku Ngendo](#) Rusange atangwa n'Ishami rya Leta ya NH Rishinzwe z'Ubuzima Rusange).

Amabwiriza Areba Abakoresha ku Bijyanye n'Ingendo

Ibice byinshi by'isi, harimo n'ibiri muri Leta Zunze Ubumwe, bikomeje kugira imibare iri hejuru y'ubwandum bwa COVID-19 aribyo bishyira mu kaga gakomeye abahaha cyangwa abahatemberera. Hari kandi ubundi bwandum buri kwinjira bigaragara ko bwandum cyane kandi bugakwirakwira ku buryo byoroshye Ingendo ndetse n'ibikorwa bitandukanye (urugero, gutwarwa mu buryo rusange, ingendo zo mu bwato, gushyikirana n'itsinda rigari ry'abantu, n'ibindi.) nabyo byongerera umuntu ibyago byo guhura n'ubwandum bwa COVID-19, hatitawe k'uri buhure nabwo bwa nyuma ubwandum burakwirakwira. Ku bw'yo mpamvu, abakoresha bagomba gukurikiza ingamba zikurikira mu rwego rwo kugabanya ibyago byo kuba umukozi wahuye n'ubwandum bwa COVID-19 yazana ubwandum aho abantu bakorera:

- Irinde ko habaho ingendo z'akazi zitari ngombwa mu gihugu no hanze yacyo, cyane cyane ingendo zigamije ibikorwa bihuza amatsinda manini ndetse n'amahuriro (urugero, amahugururwa, inama).
- Irinde ko habaho ingendo z'abantu ku giti cyabo hanze y'igihugu
- Irinde ko habaho ingendo z'abantu ku giti cyabo mu gihugu mu duce two hanze ya New England (Maine, New Hampshire, Vermont, Massachusetts, Rhode Islands, Connecticut)
- Irinde ko habaho ingendo z'abantu ku giti cyabo mu buryo bwa rusange (urugero, bisi, indege, gali ya moshi, ingendo zo munsi y'ubutaka, n'ibindi).
- Irinde ko habaho ingendo zo mu bwato.
- Irinde ko habaho amahuriro y'abantu ku giti cyabo cyangwa imiryango aho abantu badafite isano rya hafi n'umuryango, cyangwa basasanzwe babana bya hafi n'umuryango, bahrira mu rugo kandi begeranye.

Gusuzuma Uburwayi n'ibyago byo Kwandura

- Abafasha gusuzuma ndetse na bizinesi bagomba kubaza ibibazo suzuma kugira ngo basuzume ibyago byo kwandura COVID-19 buri munsi mbere yuko umukozi yemererwa kwinjira mu kazi:
 - Waba ufile [ibimenyetso bya COVID-19](#) cyangwa ufile umuriro wa dogere Farenayiti 100.4 cyangwa hejuru yaho ku buryo ari bishya kuri wowe? Ibimenyetso bya COVID-19 birimo:

- Umuriro, cyangwa kugira ibimenyetso by'umuriro;
- Ibimenyetso by'indwara zo mu buhumekero harimo nk'ibicurane, kumva amazuru yafunganye, kubabara mu muhogo, inkorora, cyangwa guhumeka bigoranye;
- Ibimenyetso by'umubiri muri rusange harimo kubabara imikaya, gusesa urumesa cyangwa gutitira, ndetse n'umunaniro ukabije;
- Ibimenyetso byo ku gifu n'amara harimo isesemi, kuruka, cyangwa impiswi, ndetse
- Impinduka z'uburyo umuntu aryoherwa/abihirwa cyangwa ahumurirwa/anukirwa.
- Hari aho waba warigeze uhurira n'umuntu wanduye COVID-19 mbere y'iminsi 10? (Icyitonderwa: abakozi bo mu nzego z'ubuzima bita ku barwayi ba COVID-19 bambaye imyambaro y'ubwirinzi bagomba gusubiza "no" kuko ntabwo bafatwa nk'abahuye n'uwanduye COVID-19)
- Waba waragirize ingendo zitari ngombwa mbere y'iminsi 10,* hanze ya New Hampshire, Maine, Vermont, Massachusetts, Rhode Islands, cyangwa Connecticut, ingendo zo mu gihugu(muri Leta Zunze Ubumwe), ingendo zo mu mahanga (hanze ya Leta Zunze Ubumwe) cyangwa mu bwato?

* Ingendo za ngombwa harimo iz'akazi, ku ishuril, umutekano, ubuvuzi, kwita ku bandi, inshingano za kibyeyi, z'ubuvuzi, ndetse n'amafunguro cyangwa ibinyobwa (ingendo zo hafi zo guhaha ibyo kujyana mu rugo ndetse no mu maduka gusa). Ingendo za ngombwa kandi zirimo iz'abanyeshuri n'ababyeyi babo cyangwa abishingizi basura amashuri makuru cyangwa ayisumbuye ategura abanyeshuri kuzajya mu mashuri makuru, harimo no kubemerera kurara ku ishuri.

Guhagarikwa k'Umukozi Bitewe n'Ibimenyetso (Amabwiriza yo "Gushyirwa mu Kato")

Abantu bafite ibimenyetso bya COVID-19 bishya cyangwa bidasobanutse (nubwo byaba ari ibimenyetso bidakanganye) ntabwo bemerewe kuza mu kazi. Abantu bagaragaza ibimenyetso bategetswe kwitabaza abaganga babo kugira ngo babasuzume COVID-19 ndetse bakihutira kwishyira mu kato mu rugo; aha harimo abaheruka gufata urukingo rwa COVID-19 cyangwa abaheruka kurwara COVID-19 mbere y'iminsi 90. Ku bantu badafite muganga cyangwa umujyanama w'ubuzima, cyangwa se abaganga/abajana b'ubuzima batazi/badashobora gupima umuntu, murasabwa gusaba gupimwa COVID-19 kuri hamwe mu hantu henshi hapimirwa COVID-19 muri Leta ya New Hampshire. Umukozi yemerewe "kwishyira mu kato" hanyuma akagaruka ku kazi igihe:

- Iyo yujuje ibi byose bikurikira:
 1. Ibibimo by'umukozi bigaragaza ko atanduye hakoreshejwe igipimo kibasha guhita kibona ubwandum bwa COVID-19 buri mu mubiri (harimo uburyo bwa (PCR) bwo kubona akanyangoingo kanzinya katagaragara, yo ikagakuza kakaza kagaragara neza – ndetse n'ibipimo bishingiye ku gusuzuma ubudahangarwa bw'abasirikare).
 2. Bakamara amasaha 24 nta bimenyetso by'umuriro bakigaragaraza batanagifata imiti igabanya umuriro, ndetse n'ibindi bimenyetso bitakigaragara.
 3. Badafite ibyago byo kwandura COVID-19 mbere y'iminsi 10 (urugero, guhura n'uwanduye COVID-19 cyangwa yaragize ingendo runaka) aribyo bibasaba kumara byibura iminsi 10 mu kato yewe na nyuma yo gusanga utaranduye (reba hano munsi amabwiriza yo kwishyira mu kato ndetse "irengayobora ku bisabwa umuntu uri mu kato").

CYANGWA

- Umukozi yujuje ibisabwa n'Ibigo Bishinzwe Kurwanya Icyorezo (CDC) ku bijyanye no [guhagarika igihe cyo kwishyira mu muhezo](#) (ibi bireba abantu batanduye COVID-19 nyuma y'isuzuma, cyangwa abafite ibimenyetso batapimwe COVID-19). Iri bwiriza risaba ko abantu bishyira mu muhezo byibuze mu gihe cy'iminsi 10 nyuma yuko ibimenyetso bigaragaye, ishobora no kwiyongera bitewe nuko ibimenyetso byakomeje kugaragara.

Guhagarikwa k'Umukozi Bitewe no Kuba Harabayeho Guhura n'Ubwandu ku Buryo Buzwi (Amabwiriza yo "Kwisyira mu Muhezo")

Abantu bizwi ko bahuye n'uwenduye COVID-19, cyangwa abagiriye ibyago byo kwandurira mu ngendo(nkuko bigaragara hejuru mu bibazo suzuma) **ntabwo** bemerewe kuza mu kazi kerekabyemererwa “irengayobora ku bisabwa umuntu uri mu kato” nkuko bigaragara hepfo aha, ndetse bategetswe [kwishyira mu kato](#) mu rugo.

Umukozi yemerewe kuva mu “kato” ndetse agasubira mu kazi igehe iminsi 10 yashize kuva igehe aherukira guhura n'uwenduye cyangwa avuye ku rugendo. Bizinesi n'Ibigo bitanga serivise z'ubuvizi ku bantu bafite ibyago biri hejuru cyangwa baba ahantu hafite ibyago byinshi byo gukwirakwiza ubwandu (urugero., Ibigo byita ku bakeneye ubufasha bw'igehe kirekire, gereza, n'ahandi.) barasabwa gusabira abaturage ndetse n'abakozi gushyirwa mu kato k'iminsi 14 mu rwego rwo kugabanya ingaruka za COVID-19 ku bantu bafite ibyago biri hejuru byo kwanduzanya. Mu gihe bibaye ngombwa ko umukoresha ashiraho amategeko akarishye ku ngamba zo gushyira mu kato (ni ukuvuga iminsi 14 y'akato), abakozi bagomba gukurikiza amabwiriza y'umukoresha.

Abantu bagaragajwe ko bafite ibyago byinshi bakorera ingendo hanze ya New England (nkuko bigaragara hejuru mu bibazo suzuma) bashobora kugabanya igehe bamara mu kato bakipimisha ku munsi wa 6-7 w'akato kugira ngo bisuzumishe ubwandu SARS-CoV-2 (SARS-CoV-2 ni virusi nshya ya corona itera COVID-19); iri suzuma rigomba gukorwa ku duce dutoya cyane (urugero, PCR – uburyo bwo kubona akanyangingo kanzinya katagaragara, yo ikagakuza kakaza kagaragara neza.) ibipimo bishingiye ku gusuzuma ubudahangarwa bw'abasirikare ntabwo byemewe ku bw'iyi mpamvu. Igihe ibipimo bifashwe ku munsi wa 6-7 w'akato (ni ukuvuga amasaha 48 mbere yuko igehe cy'akato kirangira nyuma y'umunsi wa 7), akaba nta bimenyetso agaragaza, isuzuma rikaba rigaragaza ko atanduye, ashobora guhita asoza igehe cy'akato nyuma y'iminsi 7, ariko basabwa gukomeza [kwikurikirana](#) ku bijyanye n'ibimenyetso bya COVID-19, ndetse no gukaza ingamba zo guhangana na COVID-19 (guhana intera, kwirinda kujya ahateraniye abantu benshi, kwambara agapfukamunwa/mazuru, gukaraba intoki kenshi, n'ibindi.) mu minsi yose y'akato uko ari 14 uvuye ku munsi wa nyuma baherukira mu ngendo. [Ibimenyetso bya COVID-19](#) bishya bihita bituma umuntu yishyira mu muhezo kandi agasaba kongera gupimwa (nubwo yaba aherutse kuva mu kato). Ubu buryo bw'iminsi 7 y'akato bureba GUSA abashyirwa mu kato bitewe n'ingendo bakoze (ntabwo ari uko bishyize mu kato kuko bafite ibyago byinshi batewe no guhura n'uwenduye COVID-19).

Abantu byagaragajwe neza ko bahuye n'uwenduye COVID-19 bagomba kwishyira mu kato iminsi 10 yose kandi bakipimisha, ariko kwipimisha COVID-19 ntabwo byemerera “uwahuye” n'uwenduye guhagarika akato mbere y'iminsi 10 itarangiye; gupima bigamije gusa kubona ubwandu hakiri kare kugira ngo inzego z'ubuzima zihutire gushaka abandi bantu bahuye n'uwenduye bari mu byago bikomeye byo kwandura COVID-19. Umuntu byagaragaye neza ko yahuye n'uwenduye, warangije igehe cy'akato nyuma y'iminsi 10 agomba gukomeza kwikurikiranaho buri munsi ibimenyetso bya COVID-19 ndetse no gukaza ingamba zo guhangana na COVID-19 (guhana intera, kwirinda kujya ahateraniye abantu benshi, kwambara agapfukamunwa/mazuru, gukaraba intoki

kenshi, n'ibindi.) mu minsi yose y'akato uko ari 14 nyuma yo guhura n'uwanduye. Uwagira [ibimenyetso bya COVID-19](#) bishya arakangurirwa guhita yishyira mu muhezo kandi akihitira kwisuzumisha nanone (kabone nubwo yaba aherutse guhagarika igihe cy'akato).

Irengayobora ku Bisabwa Umuntu uri mu Kato

Abantu bakurikira NTABWO bakeneye kwishyira mu kato nyuma yo guhura n'uwanduye COVID-19 yewe na nyuma yo kugirira ingendo hanze ya New England:

1. Abantu bamaze hejuru y'iminsi 14 bafashe urukingo rwa kabiri rwa COVID-19 (ni ukuvuga., iminsi 14 nyuma yo gufata urukingo rwose).
2. Abantu bari mu gihe cy'iminsi 90 mbere yo kubasangamo ubwandum bwa SARS-CoV-2 buboneka hifashishijwe PCR, uburyo bwo kubona akanyango kanzinya katagaragara, yo ikagakuza kakaza kagaragara neza cyangwa hagasuzumwa ubudahangarwa bw'umubiri (niba umuntu yarigeze agira ubwandum bberenze iminsi 90, arasabwa gukomeza akato k'uwakoze ingendo).

Abantu bari mu ibi byiciro, ariko, bakomeza kwikurikiranaho ibimenyetso bya COVID-19 buri munsi, guhana intera, kwirinda kujya mu matsinda ndetse n'ahateraniye abantu benshi, kwambara agapfukamunwa/mazuru igithe bari kumwe n'abandi, hamwe no gukaraba intoki kenshi. Uburyo bwose bwo guhangana n'ubwandum ndetse n'andi mabwiriza arebana no guhashya COVID-19 agomba gukurikizwa. Ku bakora mu nzego z'ubuzima, harimo gukomeza gukoresha ibikoresho by'ubwirinzi (PPE) igithe bakurikirana cyangwa bita ku barwayi (harimo abakekwaho cyangwa byemejwe ko barwaye COVID-19).

Hasi ku bindi bijyanye n'amarengayobora ku bisabwa umuntu uri mu kato areba uwahuye n'uwanduye COVID-19, cyangwa nyuma y'ingendo umuntu yahuriyemo n'ibyago byinshi byo kwandura, nyamara ariko, amarengayobora akurikira ntabwo ari ihame. Hagomba gukoreshwa imbaraga zose abakozi bakemererera gukorera mu rugo mu gihe cy'akato. Ku bantu batujuje ibisabwa bibiri bikubiye hejuru, amarengayobora arenzezo azakoreshwa gusa niba habaye **kimwe** muri ibi bikurikira:

1. Ibyago bishoboka byo kwandura COVID-19 ku mukozi ni ugukora ingendo (ni ukuvuga ko, ntaho yahuriye n'uwanduye COVID-19), nta bimenyetso agaragaza bya COVID-19, **NDETSE** uwo muntu yakoze ingendo ku mpamvu ziri ngombwa. "Ingendo za ngombwa" harimo iz'akazi, ku ishuril, umutekano, ubuvuzi, kwita ku bandi, inshingano za kibyeyi, z'ubuvuzi, ndetse n'amafunguro cyangwa ibinyobwa (ingendo zo hafi zo guhaha ibyo kujyana mu rugo ndetse no mu maduka gusa). Ingendo za ngombwa kandi zirimo iz'abanyeshuri n'ababyeyi babo cyangwa abishingizi basura amashuri makuru cyangwa ayisumbuye ategura abanyeshuri kuzajya mu mashuri makuru, harimo no kubemerera kurara ku ishuri. Abakozi bakorera ingendo zitari ngombwa mu bice bifite ibyago byinshi by'ubwandum bwa COVID-19 ku mpamvu zabo bwite cyangwa zigamije kwishimisha ntabwo bafite ubu burenganzira, biznesi n'abakoresha bagomba gukaza ingamba zica intege cyangwa zikumira abakozi b'ingenzi kugirira ingendo mu bice bifite ibyago byinshi by'ubwandum ku mpamvu zitari iz'ingenzi. Nubwo umukozi yemerewe gukora "ingendo ziri ngombwa", uwo mukozi agomba kwambara agapfukamunwa/mazuru, agasiga intera y'intambwe byibura 6 hagati ye n'abandi bakozi ndetse n'ababagana, kugira uruhare mu isuzuma buzima rya buri munsi, ndetse no kwipima ibimenyetso.

CYANGWA

2. Umukozi ukorera mu inzego zifite ibyago by'ubwando (reba kandi iri Itangazo rya CISA ku bisobanuro birambuye hamwe n'ingero) **NDETSE** afatwa nk'uwingenzi kugira bizinesi ikorwe ("umukozi w'ingenzi"). Abakozi b'ingenzi bemerewe gukora mu gihe bari mu kato niba bujuje ibi byose bikurikira:

- Nta bimenyetso bya COVID-19 umukozi ari kugaragaza;
- Umukozi nawe yahuye nawe mubo babana byemejwe ko yanduye COVID-19;
- Umukozi afatwa n'uwingenzi mu bikorwa bya bizinesi kandi hari icyaho gikomeye cyagaragara ige umukozi atageze mu kazi;
- Umukozi ntashobora gukorera inshingano ze z'ingenzi mu rugo;
- Ntawasimbura uwo mukozi;
- Umukozi yishyira mu kato ku zindi mpamvu zose zishoboka ariko akaba ari ku kazi;
- Umukozi yambara agapfukamunwa/amazuru, agasiga intera y'intambwe byibura 6 hagati ye n'abandi bakozi ndetse n'ababagana, kugira uruhare mu isuzuma buzima rya buri munsi ige ari mu kazi nkuko bigaragara mu amabwiriza y'Ibigo Bishinzwe Guhangana n'Ibyorezo (CDC)

Ubundi buryo bwiyongeraho ni uko kuri bizinesi runaka iri guhura n'ikibazo kigaragara cy'ubuke bw'abakozi ku mpamvu zuko bagiye mu kato bigatuma ibikorwa by'ikigo bihungabana, ikigo gishobora guhitamo gupima abakozi b'ingenzi, hafatwa ibipimo by'utunyangingo duto twa SARS-CoV-2 mu rwego rwo gusoza ige cy'akato nyuma y'umunsi wa 7 niba ibi bikurikira byakurikijwe:

- Urugero rukwiye rw'igipimo cy'ubuhumekero rwafashwe ku munsi wa 6-7 w'akato (ni ukuvuga mu minsi 48 mbere yo kurangiza ige cy'akato nyuma y'umunsi wa 7)
- Urugero rwafashwe rwasuzumye koronavirusi ya SARS-CoV-2 hifashishijwe utunyangingo duto cyane (urugero PCR – uburyo bwo kubona akanyangingo kanzinya katagaragara, yo ikagakuza kakaza kagaragara neza.) kandi igisubizo cyabaye hoyo. Gusuzuma ubudahangarwa ntabwo byemewe kuri iyi nshuro.
- Nta bimenyetso agaragaza
- Akurikirana ibimenyetso bye bya COVID-19 buri munsi mu minsi yose y'akato uko ari 14 nyuma yo guhura n'uwenduye
- Akurikiza inama ahabwa n'inzego z'ubuzima atari farumasi gusa, zo guhangana na COVID-19 (guhana intera, kwirinda kujya ahateraniye abantu benshi, kwambara agapfukamunwa/mazuru, gukaraba intoki kenshi, n'ibindi.) mu minsi yose y'akato uko ari 14 nyuma yo guhura n'uwenduye
- Igihe agaragaje ibimenyetso bya COVID-19, agomba guhita yishyira mu muhezo kandi akihutira kwisumisha, kabone nubwo yaba aherutse kwipimisha agasanga nta COVID-19 afite.

Abakozi b'abanyamwuga n'inraribonye baza muri Leta ya New Hampshire bavuye mu bindi baje gukora mu nzego zifite ibyago by'ubwando bemerewe kurara muri hoteli za New Hampshire batabanje gushyirwa mu kato muri leta z'iwabo mbere yuko bahagera. Bagomba gukurikiza andi mabwiriza nkuko bigaragara hejuru bita cyane mu kwambara agapfukamunwa/mazuru kandi bagasiga intera ige bari mu kazi n'igihe bari ahateraniye abantu benshi (urugero, iyihe bajya/bava muri hoteli, bajya guhaha amafunguro batahana, n'ibindi.), ndetse bagomba kujya mu kato kandi bakitarura abantu benshi ige batari gukora.

Abakozi bo mu nzego z'ubuzima ndetse n'abakoresha bagomba gukurikiza amabwiriza y'umurimo agenga inzego z'ubuzima atangwa n'Ibigo Bishinzwe Guhangana n'Icyorezo (CDC), ndetse bagomba kugendera ku



mabwiriza y'ishami rya Leta ya New Hampshire Rishinzwe Serivise z'Ubuzima Rusange arebana n'[Ibisabwa mu Kugaruka mu Kazi ndetse no Kugabanyuka kw'Abakozi ku Mibereho Myiza Yabo Irambye ndetse n'Izindi Nzego z'Ubuzima](#) bishobora gukoreshwa no mu zindi nzego z'ubuzima mu guhangana n'ibibazo byo kugabanyuka kw'abakozi.

Incamake y'Umuhezo n'Akato

Ikimenyetso umukozi agaragaza/Ubwandu	Uwo babana mu rugo yahuye (ibyago biri hejuru) n'uwanduye COVID-19 mu minsi 14 ishize	Uwo batabana ariko wa hafi yahuye n'uwanduye COVID-19 mu minsi 14 ishize	Yagiriye ingendo mu mahanga, mu bwato, cyangwa mu gihugu hanze ya New England	Yagiriye Ingendo muri New England cyangwa Nta Ngendo Yagize
Ikimenyetso Gishya cyangwa Kidasobanutse cya COVID-19	<p>Ishyire mu muhezo kandi wihutire kwipimisha.</p> <p>Niba ataranduye Yishyire mu kato mu gihe cy'iminsi 10 kuva ku munsi wa nyuma aheruka guhura n'uwenduye</p> <p>Reba "ubudahangarwa ku bisabwa"</p>	<p>Ishyire mu muhezo kandi wihutire kwipimisha.</p> <p>Niba ataranduye Yishyire mu kato mu gihe cy'iminsi 10 kuva ku munsi wa nyuma aheruka guhura n'uwenduye</p> <p>Reba "ubudahangarwa ku bisabwa"</p>	<p>Ishyire mu muhezo kandi wihutire kwipimisha.</p> <p>Niba ataranduye ashobora gusubira mu buzima bwe busanzwe ige amaze byibura amasaha 24 nta muriro (nta miti igabanya umuriro afashe) n'ibindi bimenyetso bitakigaragara, NDETSE kimwe mu bikurikira byuzuye:</p> <ol style="list-style-type: none"> Umukozi yafashe urukingo rwuzuye rwa COVID-19 (byibura iminsi 14 igashira kuva ige afatiye doze ya kabiri y'urukingo rwa COVID-19), cyangwa aheruka kurwara COVID-19 mbere y'iminsi 90. Umukozi yarangije ige cyo kwishyira mu kato mu gihe cy'iminsi 10 kuva ku munsi wa nyuma w'urugendo Urugendo rwari "ingenzi" Umukozi ahagarika ige cy'akato nyuma y'umunsi wa 6-7 nta bwandu bwa SARS-CoV-2 afite ku munsi wa 7 w'akato (isuzuma rigomba gukorwa hifashishijwe uduce dutoya cyane kugira ubwandumu bugaragare, harimo nk'ibipimo bya PCR) <p>(Icyitonderwa: Niiba umukozi yarapimwe mbere y'umunsi wa 6-7 w'akato kubera ibimenyetso kandi ibipimo bikagaragaza ko atarwaye, rero kwipimisha bwa kabiri ku munsi wa 6-7</p>	<p>Ishyire mu muhezo kandi wihutire kwipimisha.</p> <p>Niba ataranduye ashobora gusubira mu buzima bwe busanzwe ige amaze byibura amasaha 24 nta muriro (nta miti igabanya umuriro afashe) n'ibindi bimenyetso bitakigaragara</p>



			<p>birakenewe kugira ngo igihe cy'akato kirangire nyuma y'iminsi 7.)</p> <p>Niba ukora ingendo (umugenzi) afatwa nk'umukozi w'ingenzi ukora mu nzego zifite ibyago by'ubwandum, ashobora kugaruka ku kazi niba amaze amasaha 24 nta muriro (nta miti igabanya umuriro) ndetse n'ibindi bimenyetso bitakigaragara, ariko bagomba kujya mu kato ku zindi mpamvu zitari iz'akazi hakurikijwe amabwiriza yo kujya mu kato.</p>	
--	--	--	--	--

Ikimenyetso umukozi agaragaza/Ubwandum	Uwo babana mu rugo yahuye (ibyago biri hejuru) n'uwanduye COVID-19 mu minsi 14 ishize	Uwo batabana ariko wa hafi yahuye n'uwanduye COVID-19 mu minsi 14 ishize	Yagiriye ingendo mu mahanga, mu bwato, cyangwa mu gihugu hanze ya New England	Yagiriye Ingendo muri New England cyangwa Nta Ngendo Yagize
Nta bimenyetso agaragaza	<u>Ishyire mu kato</u> mu gihe cy'iminsi 10 kuva ku munsi wa nyuma aheruka guhura n'uwanduye Isuzumishe Ipimishe Reba “ubudahangarwa ku bisabwa”	<u>Ishyire mu kato</u> mu gihe cy'iminsi 10 kuva ku munsi wa nyuma aheruka guhura n'uwanduye Ipimishe Reba “ubudahangarwa ku bisabwa”	<u>Ishyire mu kato</u> mu gihe cy'iminsi 10 kuva ku munsi wa nyuma w'urugendo (kereka niba: urugendo rwarafashwe “nk'urw'ingenzi”, umukozi yafashe urukingo rwuzuye ndetse n'iminsi 14 irashize kuva igihe yafatiyeho doze ya kabiri y'urukingo rwa COVID-19, cyangwa umukozi aheruka kurwara COVID-19 mbere y'iminsi.) Umukozi yemerewe guhagarika igihe cy'akato nyuma y'umunsi wa 7 nta bwandum bwa SARS-CoV-2 afite ku munsi wa 6-7 w'akato (isuzuma rigomba gukorwa hifashishijwe uduce dutoya cyane kugira ubwandum bugaragare, harimo nk'ibipimo bya PCR) Niba ukora ingendo(umugenzi) afatwa nk'umukozi w'ingenzi ukora mu nzego zifite ibyago by'ubwandum, ashobora kugaruka ku kazi niba amaze amasha 24 nta muriro (nta	Ntacyo abujijwe



			miti igabanya umuriro) ndetse n'ibindi bimenyetso bitakigaragara, ariko bagomba kujya mu kato ku zindi mpamvu zitari iz'akazi hakurikijwe amabwiriza yo kujya mu kato.	
Ibipimo bigaragaza ko nta bwandu bwa COVID-19	<u>Ishyire mu muhezo</u>	<u>Ishyire mu muhezo</u>	<u>Ishyire mu muhezo</u>	<u>Ishyire mu muhezo</u>

Ingendo za ngombwa harimo iz'akazi, ku ishuri, umutekano, ubuvuzi, kwita ku bandi, inshingano za kibyeyi, z'ubuvuzi, ndetse n'amafunguro cyangwa ibinyobwa (ingendo zo hafi zo guhaha ibyo kujyana mu rugo ndetse no mu maduka gusa). Ingendo za ngombwa kandi zirimo iz'abanyeshuri n'ababyeyi babo cyangwa abishingizi basura amashuri makuru cyangwa ayisumbuye ategura abanyeshuri kuzajya mu mashuri makuru, harimo no kubemerera kurara ku ishuri. Abakozi batari ab'ingenzi bakorera ingendo mu bice bifite ibyago by'ubwandum zabo bwite cyangwa zo kwishimisha ntabwo bafite ubu burenganzira.

Ni irihe tandukaniro riri hagati y'Umuhezo n'Akato?

Umuhezo bikoreshwu ku bantu barwaye cyangwa banduye virusi ya corona ariyo itera COVID-19; hanyuma akato kagakoreshwu ku bantu bahuye n'abanduye kandi bakaba bafite ibyago biri hejuru byo kwandura. Aya magambo yombi asobanura ko umuntu aba agomba kuguma mu rugo kure y'abandi, ariko igihe bamara muri bino bihe kiratandukanye. Reba incamake y'itandukaniro ku [rubuga](#).